

卷十四

書名 錦繡萬花谷後集四十卷 嘉靖十五年序
 錫山秦汴繡石書堂刊本後修
 撰者 宋 闕名 撰
 卷 卷十四
 內容分類 子-類書-彙考-宋
 索書號 大木-子部-類書類-31
 編號 C5924800

彩色首頁1

[東洋文化研究所漢籍目錄](#) 編號: C5924800

[東洋文化研究所漢籍目錄所藏漢籍善本全文影像資料庫](#) 索書號: 大木-子部-類書類-31

[漢籍善本全文影像資料庫](#) 文本編萬花谷後集四十卷 嘉靖十五年序錫山秦汴繡石書堂刊本後修

版權所有: [東京大學](#) [東洋文化研究所](#)

[使用上的注意事項](#)

錦繡萬花谷後集卷之四

元日

微陽始布罄無不宜和神養素
 義之月儀書曰日往月來元正首祚太簇告辰

端月燭寶典云元正端月

傳唐長安風俗每至元日已後遞飲酒相邀迎號
 傳法苑珠林

放節以正朝獻雀於趙王而綴以五綵王大悅

申子順子順曰正朝放之求有生也 出初學記

膠日食膠牙錫取膠固之義 出荆楚歲時記

武帝正月賜群臣却鬼丸 出碎事

金門歲節曰洛陽人家正旦造絲鷄蠟燕粉



珽涖汴州召奉古前曰此聰明府帥也日持麈目令示奉古一覽便諷千餘言珽驚曰仕宦四十年未嘗見此

不言久非李白為李錫元勳去思碑云初拜壽光尉心不掛細務口不言人非群吏罕測望風敬憚

山尉趙家玉英風凌四豪維舟至長蘆日送煙雲高

搖扇對酒樓持袂滿蟹螯李隱吏逢梅福遊山憶謝公

黼皎皎鸞鳳姿飄飄神仙氣梅生亦何為來作南昌尉

清風佐鳴琴寂寞道為貴時西尉鬱相望東西百步塲

插旗蒲柳市伐鼓水雲鄉已作觀魚檻仍開射鴨堂東坡

錦繡萬花谷後集卷之十三

錦繡萬花谷後集卷之十四

將帥

書
曹

聳劔元戎唐大詔令張延師冊執驍霸府盡忠肅之勤誠聳劔元戎整旌麾之茂績

玉帳金壇唐大詔令折衝之寄符玉帳而總金壇

御札授方畧國朝淳化以參政趙昌言為川陝西路兵

馬都總管太宗以蜀寇尚有殘孽命昌言安撫招討仍

御札數幅叮嚀授以方畧

賜黃金一器天聖七年劉平授忻州團練使屬上封事

言趙元昊連姻助律必為邊患授邠寧環慶副都總管

遣中使賜黃金一器

冒矢石不顧身張士貴正觀中為龔州道行軍總管太

宗以其冒矢石先登勞之曰嘗聞以忠報國者不顧身於公見之

帝為賦詩祖道張仁愿為朔方軍總管春還朝秋復督軍備邊帝為賦詩祖道賞賚不貲

第人材為三等元豐王祖道言陝西河北京東府畧將皆朝廷所選擇尚多庸人其餘淮浙等路雖有團治訓練之名而無教閱按試之實望密下諸路經畧司體量將副第人材為三等職畧

第何營楊盈川碑匈奴未滅甲第何營壯士不還寒風自起

鐵虎蔡祐與齊戰被明光甲所向無敵齊人謂之鐵虎職源

黃鬪少年裴果常乘騶黃馬白袍先陷陣時號黃鬪少年

飛將呂布字奉先便弓馬膂力過人號為飛將

偏四將印王忠嗣有武畧佩四將印為隴西節度上平戎十八策

卯受命辰行高崇文為長城使奉詔征劉闢御軍常若寇至卯受命而辰行

先鋒白衣薛仁貴從征遼東恃驍勇乃異其服色着白衣太宗遙見之問先鋒白衣者為誰特引見賜馬綃喜得彪將

將門有將楊元感求領兵煬帝曰相門必有相將門必有將

擊賊作露布傳奕字修期拜安遠將軍帝嘆曰上馬能擊賊下馬作露布

一身都是膽蜀趙雲字子龍軍中號雲為一身都是膽

紅抹額婁師德字宗臣武后時慕猛士討吐蕃乃自奮戴紅抹額來應詔後與虜戰八遇八克

以少擊衆馬璘以百騎破賊五千光弼曰吾未見以少擊衆如馬將軍者

著翅人後周韓果破稽胡散其種落稽胡號為著翅人文帝曰著翅之名寧減飛將本傳

地上虎北齊高昂字敖曹兵趨商洛祭河伯曰河伯水中之神高敖曹地上之虎行經所居故相沃醑

一瓜必與北齊蘭陵王長恭為將每得一瓜必與將士共之

鷓鴣入鷓鴣文宣謂高思好曰汝擊賊如鷓鴣入鷓鴣

後漢耿秉伯初擊匈奴封美陽侯簡易於事休止不結營部然斥堠有警急軍陣立成

殺妻明不與齊吳起為魯將齊攻魯起妻齊女魯疑之起就其召乃殺妻明不與齊也

李希烈陷汝州詔拜哥舒曜東都汝州行營節度使帝召見問曰卿治兵孰與父賢對曰先臣安

敢比但斬長蛇殪封豕然後待罪私室臣之願也帝曰爾父在開元時朝廷無憂今朕得卿亦不東慮本傳

渾瑊為奉天行營副元帥帝臨軒授鉞用漢拜韓信故事制曰寇賊千紀授爾節鉞以戡多難往欽

哉城頓首曰敢不畢力以對揚天子休命乃率諸軍趨
京師

受命 高仙芝安祿山反榮王爲元帥仙芝副之
領飛騎驍騎及朔方等兵出禁財募關輔士繼封常清
康討帝御勤政樓引榮王受命宴仙芝以下帝又幸望
春亭勞遣

詩 三十年前學六韜英名常得預時髦曾因國難披金
甲不爲家貧賣寶刀臂健尚嫌弓力軟眼明猶識陣雲
高庭前昨夜秋風起羞着團花舊戰袍曹翰物我愛李侍
中標標七尺長白羽八札弓陛壓綠檀槍風前略橫陣
紫髯分兩傍淮西萬虎士怒目不敢當杜牧洗劍青海外
刻石天山中杜甫虜障天驕起秦城地脉分鋒刃奔濤色

旌旗焰火文○五原烽火急六郡羽書催將軍朝授鉞

壯士夜銜枚沈佺期萬里赴戎機關山度若飛朔氣傳金

折寒光照鐵衣前人平生弓箭自相隨剛被郎官遣作詩

江南花柳從君詠塞北風煙我自知王待中天爲國家

孕英才森森劍戟摧靈臺浩蕩深謀噴江海縱橫逸氣

走風雷李白贈哥舒翰今代麒麟閣何人第一功開府當朝傑

論兵邁古風清海無傳箭天山早掛弓胡人愁逐北苑

馬又從東勲業青冥上交親氣槩中○軍事留孫楚行

間識呂蒙防身一長劍將欲倚崆峒○殊方又喜故人

來重鎮還須濟世才常恠偏裨終日待不知旌節隔年

回欲辭巴檄啼鶯谷遠下荆門去鷓鴣催身老時危思會

面一生懷抱向誰開杜甫防秋戎馬恐來奔詔發將軍

入鴈門遙領短兵登隴首獨橫長劍向河源悠揚落日
黃雲動莽蒼陰風白草翻若縱干戈更深入應聞收拾
到崑崙送邊將白首羽林郎丁年成朔方陰天瞻磧路
秋日渡遼陽○大漠寒山黑孤城夜月黃十年依蓐食
萬里帶金瘡拂露陳師祭衝風立教場箭飛瓊羽合旗
動火雲張虎翼分營勢魚鱗擁陣行功成封寵將力盡
到貧鄉雀老方悲海鷹衰却念霜空餘孤劍在開匣一
霜裳揚巨源昨釋兵符歸故里耳聽兵事幾番新偶曰
麾下來猶識欲說遼陽記不真兒覓寶刀堅愛惜奴吹
簫管怨悲辛夜來忽作關山夢萬一君王起舊人南漢
家三十六將軍東方雷動橫陣雲當街一叱百吏走馮
敬中函七首兇徒側耳潛格心悍臣破膽皆吐口

厚塞外衝沙損眼明特來養病住京城上高樓閣看星
坐著白衣裳把劍行常說老身思鬪將最悲無力制蕃
營翠眉紅頰和回鶻惆悵中原不用兵長安退昨夜陰
山吼賊風帳中驚起紫髯翁平明不待全師出連把金
鞭打鐵驄詩朝進東門營暮上河陽橋落日照大旗馬
鳴風蕭蕭平沙列萬幕部伍各見招借問大將誰恐是
霍嫖姚杜甫送腰間羽箭久凋零太息燕然未勒銘老
子猶堪絕大漠諸君何至泣新亭一身報國有萬死雙
鬢向人無再青記取江湖泊船處臥聞新鴈落寒汀○
羌胡忘覆育師旅備非常南服更旄節中軍鑄印章○
白髮將軍亦壯哉西京昨夜捷書來胡兒敢作千年計
天意寧知一日回○大將上兵符軍容備掃除共惟陞

下聖方采直臣書○羽檄聯翩晝夜馳臣憂顧不在邊
陲軍容地密寧當議陛下恩深不忍欺○北風吹急雪
夜半埋氊廬將軍八千騎萬里逐單于○漢家如天臣
萬邦歡呼動地單于降鈴聲南來金閃爍赦書已報經
沙漠並放翁

儒將

手不釋卷魯肅為將手不釋卷吳志

孫權見往事孫權謂呂蒙蔣欽曰宜學問自開益蒙曰
軍中日苦多務不及讀書權曰孤豈用卿治經為博士
耶但令涉獵見往事爾蒙始就學所覽見舊儒不及

儒服五代謝彥章為將好禮儒士雖居軍中嘗

密料擊虜郝處俊好學嗜漢書第進士累遷吏部
侍郎高麗叛詔李勣為大總管處俊副之師入虜境未
陣賊遽至舉軍危駭處俊據胡床體胖安餐乾糲不顧
密料精銳擊之虜卻衆壯其謀

元帥說禮樂楚子及諸侯圍宋宋公孫固如晉告急於
是乎蒐于被廬作三軍謀元帥趙衰曰卻縠可臣亟聞
其言矣說禮樂而敦詩書詩書義之府也禮樂德之則
也德義利之本也君其試之乃使卻縠將中軍左傳

修史即軍中論議張說授并州長史兼天兵軍大使修
國史勅齊藁即軍中論議

儒士知軍情柳渾字夷曠渾城與吐蕃會平涼代宗語
大臣以和戎息師之便馬燧賀曰已盟可百年無患柳

渾跪曰夷狄人面獸心易以兵制難以信結臣切憂之
帝變色曰渾儒生未達邊事夜半邠寧節度使韓游瓌
飛奏吐蕃劫盟將校皆覆沒帝大驚卽以其表示渾明
日慰之曰卿儒士乃知軍戎萬里情乎益禮異之

老將

願屬老臣 趙充國字翁孫年七十餘上老之丙吉問誰
可將者充國曰亡踰於老臣上遣問曰將軍度羌虜何
如充國曰百聞不如一見兵難豫度臣願馳至金城圖
上方略然羌戎小夷逆天背畔滅亡不久願陛下以屬
老臣勿以為憂 並本傳

雙鑠是翁 馬援年六十二請擊武陵五溪蠻夷光武愍
其老未許之援曰臣尚能被甲上馬帝令試之援據鞍

顧盼以示可用帝笑曰雙鑠哉是翁也 後漢本傳

尚堪一行 李靖字藥師吐谷渾寇邊太宗謂侍臣曰李
靖能復起為帥乎靖往見房元齡曰吾雖老尚堪一行
帝喜以為西海道行軍大總管 唐本傳

軍旅

五家兵 齊桓既得管仲修齊國政連五家之兵 國語曰

國五家為執十執為里四里為連十連為御以為軍令

鷄毛系檄 漢高祖曰吾以羽檄召天下應劭曰以鷄毛

系檄

懸狐尾 吐蕃以累世戰沒為甲門臨陣奔北者懸狐尾
於其首以表狐之性怯

萬張說 唐故時邊鎮兵羸六十萬張說以時平

無所事請罷二十萬還農天下以為疑說曰邊兵雖廣諸將自衛營私爾所以制敵不在衆也以陛下之明四夷畏威不慮減兵而招寇臣請以闔門百指為保帝乃可

平陽昭公主下嫁柴紹帝渡河紹以數百騎並南山來迎主引精兵萬人與秦王會渭北紹及主對置幕府分定京師號娘子軍

李邕貶遵化尉妻温復為邕請戍邊自贖曰妾願使邕得充一卒効力王事膏塗朔邊骨糞沙壤成邕夙心表入不省

高仁厚初事劍南西川節度使陳敬瑄行營使黃巢陷京師天子出居成都敬瑄遣黃頭軍部將李鋌輩

成以兵萬五千屯興平數敗巢軍賊號蜀兵為鴉兒每戰輒戒曰毋與鴉兒鬪敬瑄喜其兵可用益選卒二千使仁厚將而東

帝餞田令孜章信門賚遺豐優然衛兵皆長安高貲世籍兩軍得廩賜侈服怒馬以詫權豪初不知戰聞科選皆哀哭千家陰出貲雇販區病坊以備行陣不能持兵觀者寒毛以慄

代朔邠靈之騎士自昔之精騎也上黨盟津之步卒當今之練卒也悉此強勁委之山東勢分於將多財強於兵廣

奇謀

吐谷渾党項寇邊敕柴紹討之

虜據高射紹軍雨矢士失色紹安坐遣人彈胡琵琶使
二女子舞虜疑之休射觀紹俟其懈以精騎從後掩擊
虜大潰斬首五百級

本傳

李希烈據汴滑副都統劉洽率曲環李克
信軍十餘萬戰白塔不利夜入宋州時洽將高彥昭劉
昌共嬰壘分守其屬作書言城且危彥昭視曰君輕我
耶取紙自爲書洽得書喜曰健將在西吾何憂選士八
百夜艾而入賊不知詰旦傳城士奮出希烈大敗

張守珪爲瓜州刺史墨離軍使督衆完故城
版築方立虜奄至衆失色守珪曰瘡痍之餘詎可矢石
相礮須權以勝之遂置酒城上會諸將作樂虜疑有備
不敢攻引去守珪縱兵擊敗之

張柴殲其戍勅士少休益治鞍鎧發刃鼓
弓會大雨雪天晦凜風偃旗衆皆縮慄士抱戈凍
死于道張柴之東坡澤阻與衆未嘗蹈也皆謂投不測
始發吏請所向愬曰入蔡州取吳元濟士失色監軍使
者泣曰果落祐計然業從愬人人不敢自爲計愬道分
輕兵斷橋以絕洄曲道又以兵絕朗山道行七十里夜
半至懸瓠城雪甚城旁皆鵝鷺池愬令擊之以亂軍聲
賊恃吳房朗山戍晏然無知者祐等坎墉先登衆從之
殺門者發關留持柈傳夜自如黎明雪止愬入駐元濟
外宅

六帖

韓信拔趙選輕騎二千人持一赤幟戒曰
趙見我走必空壁逐我若疾入拔趙旗幟立漢幟令其

裨將傳餐曰今日破趙會食諸將皆嘽然陽應曰諾乃使萬人先行出背水陣趙兵望見大笑平旦信建大將旗鼓行出井陘口趙開壁逐之大戰良久信耳棄鼓旗走水上軍軍皆殊死戰不可敗信所出奇兵候趙壁卽馳入立漢赤幟二千趙軍已不能得信耳欲還歸壁壁皆漢赤幟遂亂遁走於是漢兵夾擊破虜趙軍斬成安君泚水上禽趙王歇發趙兵未發者擊齊信引兵東聞漢王使酈食其已說下齊遂度河襲歷下軍至臨菑齊王走高密使使於楚請救楚使龍且將號稱二十萬或說且曰漢兵遠鬪窮寇久戰鋒不可當齊楚自居其地戰兵易敗散龍且曰吾平生知信爲人易與耳寄食於漂毋無資身之策受辱於跨下無兼人之勇不足畏也遂戰與信夾濰水陣信乃夜令人爲萬餘囊盛沙以壅水上流引兵半度陽不勝還走龍且果喜曰固知信怯遂追度水信使人決壅囊水大至龍且軍大半不得度卽急擊殺龍且遂平齊

野女降

上元元年進圍懷州思明來救光弼再逐

北思明聲渡河絕餉路光弼壁野水渡旣夕還軍留雍希顥守曰賊將高暉李日越萬人敵也賊必使劫我爾留此賊至勿與戰若降與借來是日思明果召日越曰光弼野次爾以鐵騎五百夜取之不然無歸日越至壘使人問曰太尉在乎曰去矣兵幾何曰千人將爲誰曰雍希顥日越謂其下曰我受命云何今失李光弼得希顥而歸吾死必矣不如降也遂請降希顥與之俱見光

弼光弼厚待之高暉聞亦降或問公降二將何易也光弼曰思明再敗恨不野戰命將來襲必許以死日越懼死不降何待高暉材出日越之右降者見遇貳者得不思奮乎諸軍決丹水灌懷州未下光弼令廷玉由地道入登陴乘城禽太清送京師獻俘太廟本傳

復旗小鼓以山動溪高宗時劇盜數起閩中荆湖震擾朝廷爲出禁旅遣辛全宗討之師老不能平福帥程邁監司侯慤等力請改命將帥章四十三上太上乃除韓忠武王福建江西荆湖南北路宣撫副參政孟庚以行賊范汝爲建建安衆踰十萬至僭造黃紅傘等王曰建居閩嶺上流使賊公流而下則七部皆血肉矣於是選輕銳航海徑趨福唐擁衆而上福帥迎謁且言賊方銳

宜少休以俟元夕王笑曰吾以元夕凱旋見公矣因酌酒以別師次延平劍潭湍險賊焚橋以拒我師王策馬先浮以濟師遂濟士氣益倍距建寧百里許賊盡塞途路埋巨木爲鹿角散布竹簽鐵蒺藜陷馬坑凡可以旅拒王師者無不用其至王卽命諸軍偃旗仆鼓捨正路俾各擇便利公山塹溪披踐榛棘遂達郡之鳳凰山繞出賊背下瞰城邑如在井底火樓巨石天梯雲梯百道齊攻汝爲震怖以謂從天而下五日城陷汝爲竄身自焚名臣事實

錦繡萬花谷後集卷之十四

錦繡萬花谷後集卷之十五

父子

公庭展私敬 楊玄感與父素俱為柱國朝會則齊列隋

文帝命玄感降一等謝曰不意陛下寵臣之甚許以公

庭展私敬 隋史

不書官紙 阮孝緒十餘歲隨父為湘州行事不書官紙

以成親之清白

知子莫若父 京兆尹訪蘇瓌既去瓌令男頰詠尹字乃

詠曰丑雖有足甲不成身見君無口知伊少人其敏捷

如此明皇問瓌草書難其人誰可瓌曰臣不知其他臣

男頰為文甚速可備使令授筆立就明皇撫背曰知子

莫若父 明皇雜錄